



Na osnovu člana 2.10, a u vezi člana 14.1 Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16 i 41/20) i člana 87. Pravilnika o provođenju izbora u Bosni i Hercegovini ("Službeni glasnik BiH", br. 25/20, 38/20, 63/20 i 70/20), Centralna izborna komisija Bosne i Hercegovine je na 86. sjednici, održanoj 19.11.2020. godine, d o n i j e l a

## ODLUKU

- (1) Poništavaju se izbori održani dana 15.11.2020. godine na redovnom biračkom mjestu 007B040 u izbornoj jedinici Novi Grad za nivo vlasti načelnik Općine Novi Grad i Skupština općine Novi Grad.
- (2) Raspisuju se ponovni izbori za načelnika Općine Novi Grad i Skupštinu općine Novi Grad na biračkom mjestu iz stava (1) ove odluke koji će se održati u nedjelju 29. novembra 2020. godine.
- (3) Ponovni izbori provest će se na osnovu istih kandidatskih listi i istih izvoda iz Centralnog biračkog spiska koji su korišteni na dan Lokalnih izbora 15.11.2020. godine.
- (4) Ova odluka objavit će se 19.11.2020. godine u 18,00 sati na internet-stranici Centralne izborne komisije Bosne i Hercegovine [www.izbori.ba](http://www.izbori.ba), i smatrat će se da je danom objave ista dostavljena svim učesnicima u izbornom procesu.

## Obrazloženje

Općinska izborna komisija Novi Grad je dana 18.11.2020. godine dostavila Centralnoj izbornoj komisiji Bosne i Hercegovine izvještaj o problemima o radu i prekidu glasanja na biračkom mjestu 007B040 na izborni dan 15.11.2020. godine u izbornoj jedinici Novi Grad. U predmetnom izvještaju je pored ostalog, navedeno da na navedenom biračkom mjestu je izborni proces prekinut prije zakonom utvrđenog vremena i nije završen radi nepravilnosti u radu učinjenih od biračkog odbora.

Odredbom člana 5.9 stav (1) Izbornog zakona Bosne i Hercegovine, pored ostalog utvrđeno je da glasanje traje neprekidno u toku dana, sa početkom u 7.00 sati i završetkom u 19.00 sati, a stavom (3) ovog člana da ako je prekid trajao duže od tri sata, o dužini perioda za koji se glasanje produžava odlučuje općinska izborna komisija.

Shodno izloženom i činjenici da je na biračkom mjestu 007B040 u izbornoj jedinici Novi Grad utvrđena nepravilnost u smislu odredbi Izbornog zakona Bosne i Hercegovine i podzakonskih akata iz oblasti izbornog procesa, Centralna izborna komisija Bosne i Hercegovine je u skladu sa članom 2.10 Izbornog zakona Bosne i Hercegovine i članom 87. Pravilnika o provođenju izbora u Bosni i Hercegovini odlučila kao u dispozitivu ove odluke.

**PRAVNA POUKA:** Protiv ove odluke, u skladu sa članom 6.9 stav (1) i (2) Izbornog zakona Bosne i Hercegovine, može se podnijeti žalba Apelacionom odjelu Suda Bosne i Hercegovine u roku od dva dana od dana objave ove odluke.

Žalba se podnosi putem Centralne izborne komisije Bosne i Hercegovine i dostavlja se putem faks aparata na broj 033/251-329, elektronskom poštom na e-mail adresu [kontakt@izbori.ba](mailto:kontakt@izbori.ba) ili lično u sjedište Centralne izborne komisije Bosne i Hercegovine, Ulica Danijela Ozme broj 7, Sarajevo.

Broj : 05-1-07-1-1881-1/20  
Sarajevo, 19.11.2020 godine



Predsjednik  
*Zeljko Bakalar*  
Zeljko Bakalar